

جریده صوفیه

شیمدیلک هفته ده بر نشر اولنور .

امور اداره ونخبریه واعلانات وسائرہ
ایچون مدیر مسئوله سراجعت ایدمللیدر .

صرفای امتک مقالات متصوفانه لرینه
جرید صوفیه تک صیفه لری آچقیدر .
درج ایدلمیان اوراق اعاده ابداز .

ابونه سی : بر سنه لک اعتباریه ممالک
عثمانیه ایچون ۴۰ آلتی آیلنی ۲۰ فروش
وممالک اجنبیه ایچون اون ایکی فرانقدر

حل اداره باب عالی جوارنده ابوالسمود
جاده سنده نجم استقبال مطبعه سی

تصوفی ، دینی ، اخلاقی ، سیاسی جریده اسلامیه در

وجه دلاری و معنویاتی اولوالابصار اولان کسه لردن سورملی بوقه
امادن طوغمه کوزسزلر کاهی کورمن اشیا بی ا
مکر درویش علی که علم توحید را بکوش جانت برزد خوشا
دها وار

مثنویخوان

عشق

لوامع

لامعه معانیك صور لیا سنده ادا ایلمسندمه کی نکته بر قاج شیدن
عبارت اوله بیلیر . بری بودر که آدمی . . بدایت حالده محسوساتدن
معقولاته حس و خیال آلاقی اعمال واسطه سیله یتشمکده و کلیاتی
جزئیات واسطه سیله بیلمکده در . بناء علیه آدمی ایچون - نفسك مأنوسی
طبعك مألوفی اولان صور ضمنتده اولمفسرین - ادراك معانی حاصل
اوله من حق خلاقی حالده او معانی آکلامنه قوتی دسترس اوله میوب
ادرا که طاقت کونوره مه منسی بیله نمکندر .

« رباعیه »

هر چند ترا رأی جفاکاری نیست در سینه تمنای دل ازاری نیست
بی پرده بسوی عاشق خود مکندر کش طاقت اندک پرده برداری نیست
هر نه قدر سنده جفا کار لای رأیی . سینه کده دل آزار لای تمنیسی
یوق ایسه ده بینه عاشقک طر فدن بی نقاب اولورق یکجه چونکه او
بیچاره نك - سنك بی نقاب اولمقلنه طاقت و تحملی یوقدر . دیگری ده
بودر که معانیك صور لیا سنده ادا ایلمکده نفی عام ، و قائده سی نام
اولور فقط لباس - صور اولمفسرین ادا ایلمه بی ایدی اهل مناه
بشقه سنك آندن بهره مند اولسی امکان خارجنده کالیر .

« رباعیه »

معنیست که دل هم ریابد دین هم معنیست که مهر میفزاید کینی هم
لیکن لباس صور تش جلوه دهند تا بهره برد دیده صورت بین هم
بو معنادر که هم کوکلی قاپار هم دینی ، هم محبتی آرتیر هم کینی ،
فقط اونی مجرد دیده صور نین دخی بهره مند اولمق ایچون - صورت
لباسنده جلوه لندیر برلر .

چوق اولور که بعض معانی ، صورت لباسنده ادا ایلمك سیبیل
صورت پرست اولان شخص ایچون استماعه بر مبل طبیعی حاصل اولور
نهایت جمال معنا ، صورت پرده بندن پرتو انداز اولوب حریرك فهمی
کسکین و سرینی لطیف ایدردم بو واسطه ایله او آدم صورتدن قاپار
معنایه گرفتار اولور .

« رباعیه »

بس کسی که کند پره روه یده دینج تا که برمش فروزو دپای بکنج
بس کسی که کند بقصد سینه بشکافد کوه تا که شود از کان اهر کوهر سنج
چوق کیمسار یولیلقدمه پیوده مشقت چکر تا کاه اثنای راهده

حقایق اشیا بی نظر و استدلال طریقله تحصیل ایدنلره « متکلمین »
ریاضت و تصفیه قلوب و مجاهده صور تیله حاصل ایدنلره ده « صوفیه »
عنوان جلیلی و بریلور . بتون اهل سنت علماسی متکلملردندر .
« عقلیون » عقل ایله فهم و اثبات غیر ممکن و یا خود عقل ایله
عادانه مغایر و انحق قبولی ایمان و اعتقاد مفتر بتون احکامی رد و خوارق
عادانی تاویل ایله عقلی بر صورته افراع ایدرلر عقلیوندن تشعب ایدن
برده « سوفسطایه » واردر که بونلر معنویاتك حقایق خارجه منسی
و مادیاتك وجود حقیقی منسی انکار ایدرلر که « خیالیه » نامیله موسیم
ایلمشلردر . حکمت جدیده علماسی مطالب و دقایق حکمیله لایف حس
و تجربه مستند دلایلله اثبات ایتك ایستلر فقط بو بیچاره لای حس
و ماده دن بر درلو تخلیص کریبان ایدمزلر .

بو حکمتیه حکمت حسیه و حکمت مادیه دینلور که قائللرینده
مادیون و حسیون ناملری و بریلور . بونلر مدرکاتی حادثات طبیعیك
دماغه انطباعی تاثیر اندن عبارت ظن و معنویاتی ادرا که مخصوص بر خاصه
تمیز اولدینی انکار ایدرلر . وجودی قوت و ماده به ارجاع ایله مادیاتك
وجود حقیقی منسی یعنی بتون ماهیات و معنویاتی انکار ایدرلر . بوجاهل
عصر حاضر متفلسفلرینك بو خصوصده کی انکار لری دین اسلامده کی
حقایق و دقایقه واقف اوله ماملرندن ایباری کایور . فقط جناب حق
حقایق و اسرار دینی منسی دینده رسوخ و ملکه سی اولان کاملینك
مهیبط فیوضات اولان قلبنه الفا بیور میور میور شو سوك زمانلرده بونلره
سورو سورو تصادف ایدیلور . بونلر کندولرینی مجدد ظن ایدرلر ، حالوکه
متجدد درلر بیلمز لر . فقط کندیلرینك بیلمدکارینی ده بیلمز لر بیانی تقدیر
ایده مزلر چونکه تقدیر ایده جك بر قوتی و قدرتی یوقدر مزیتلری اولسه ده
چه سود عقلی ایرمن بونلر مادی محسوسلره قصر نظر ایله دلائل حسیه به
اعتماد و امور و احکام محسوسه نك وجودیله قناعت ایدرلر واه بیچاره لای
و اه چونکه بیچاره لای در حس دازه سنك خارجنده کی معنویاتی کشف ایده مامشار
و انکار و ادیبسند سوز سولمک جرأت کستاخانه سنده بولنشلردر .

این چه نامه اجتهاد است که مضمون او

همه قصه غریب و حدیث عجیب است

علوم غریبه ، معارف عجیه ، اسرار لطیفه و دقایق شریفه بی مشکوه
انوار نیوندن اخذ و کائناتی تسخیر ایتلی واقف دقایق المتشابهات الذائیه
اولان ذواتی بوللی . هم مادی . همده معنوی اعتلا بوللری و ا کلاملیر
اوت آیات رحمانیه دن آیات عجیه وار بونی هر کس ا کلامیه میور !
(بخارادن کلور دیکلر حدیثی طالب منی)

قلندر اول حکیم اول هر نه اولور ایسه ک اول بالکز الفاظك یعنی
صورت و ماده نك معنا و ماهیاتی انکار ایتمه ! . چشم حق پینه هر ذره
« طوردر » اوله دکلای بیلیم ا کلامیه بیکس اختلاف و شئونک غایه سی
توحیدر .

رنك وحدت ذاته بالذات مخصوص اولسه

روی دنیاده اولوردی هر کسک سیاهی بر

فقط بو طائفه محبت ذاتیه ایله متحقق اولدقلرندی و او محبتک متعلق ایسه (ذات) اولوب ذات لفظی مؤنث اولدینی کی محب صادقده نه سویلسه مطلقا کندی محبوبنه مناسب سویلیوب نه ایسترسه کندی مطلوبنه موافق ایستیه چکی طبعی ایدو کندن محبت ذاتیه ایچون مدام لفظی دگی بلکه مؤنث صیغه منته بولنان مدامه، لفظی استعاره بیورمشاردرد.

« رباعیه »

هر روز بیاع رفتنت آیم باشد که دهد لاله وکل تسکین
هر جا که کلی بزک و بوشیم ان کل بوم بیاع کل جیم
هر کون - مجرد لاله وکل بی تسکین ایتک امید ایله - باغه
کیتیمک ماتم اولوب باغک هرزه سنده محبوبک رنگ و رائحه سنی تذکیر
ایدر بر کل کور برسم اوکلی مطلقا قوقلار همده دیوشیریم. ابن الفارض
المصری، دیه معروف اولان امام طلم و عامل، سیار عارف و فاضل
شیخ شرف الدین ابو حفص همر بن علی السعدی. قدس سره و اعلی
فی الملاء الاعلی ذکره حضرتتری [۱] بیوریورده:

شربنا علی ذکر الحبيب مدامه سکرنا بها من قبل ان یخلق الکرم
(الشرب) شینک حرکات ثلاثیه دردنچی بادن مصدر اولوب
ایچمک معناسنده در. شارحک باب ثالثدن مصدر کوس-ترمی سهو
اولمیدرد. (مدامه) مدام کی شرابه دینور شاربینک مداومتی اعتباریه
اطلاق اولمشدر. انسانک، اشربه سائرک مداومت شربنه طساق
کنوره مدیکی حالد - شرب شرابه مستطیع اولمیدی آروجه وجه
اطلاقدر. (السكر) فتحتین ایله باب رابعدن مصدر اولوب سرخوش.
اولقی معناسنه اولرق (سکرنا) اندن جمع متکلم ماضی در بونی ده.
اوجنچی بادن تصریف ایتک سهو مستندرد. (الکرم) اوزوم و
اوزوم باغی، آسمه جبوغی (سکرناها) قولی « مدامه » نک صفتیدر
(من قبل ان یخلق) قولی (شربنا) به متعلقدر.

بیوریورده بز حضرت دوستی یاده آلهرق بردرلو شراب ایچدک
و انکله سرخوش دخی اولدق بوده دهاماده شراب مشهود یعنی درخت
انکور یارادلزدن اول ایدی.

« رباعیه »

روزی که مدار چرخ و افلاک نبود و آمیزش آب و انش و خاک نبود
بر یاد تو مست بودم و باده پرست هر چند نشان باده و تاک نبود
چرخ و افلاک دورانی، عناصرک امتزاجی اولمادی بی بر کونده
هر تقدر باده دن و آسمه دن نشان موجودیت یوق ایسه ده بز سنکله یادکله
مست، و باده پرست اولدق.

مایم زجام عشق نو جرعه کشان بر جرعه کشان خود گذر جرعه نشان
بر یاد توان صبح صبوحی زده ایم کز تاک نشان نبود و از تاک نشان
سنک جله عشقندن جرعه چکنار بز. باری کندی جرعه کشارک
[۱] مشار الیه حضرتتری مجرب نبویه نک (۱۱۳۲) تاویخنده قاهره ده.
انتقال دار بقا بیورمه لردر تربی زیارتگاه اقامدر.

ایاغی بر خزینه به بانار جوق کیمسه لر دخی طاشی چیقارمق قصیدیه
طاشی یارارکن تاکه کوه معدنه تصادف ایدوب کوه سنج اولور.
دیگر بر نکته ده بودرکه اسرار حقیقه، احوال اهل طریقه هر کس
واقف و محرم دکادر بو جهته اسرار و احوال مزبورده بی مجرد ستر
و اخفا ایچون اهل صورتک مجاری مقاصد و محاوراتده مستعمل و
مشهور اولان الفاظ و عباراتی بطریق الاستعاره آیلرکه او معاینک
جالی، دیده اغیاردن دور و نظر نامحرماندن مستور قالسون.

« رباعیه »

دی شانه زد ان ماه خم کیسورا بر چهره نهاد زلف عنبر بورا
پوشیده بدین حبه رخ نیکورا تا هر که نه محرم نشناسد اورا
آی کی اولان او محبوب خم کیسوسنه دون طاراق اوروب زلف
عنبر بوسیده چهره سی اوسنه قوبوب رخ نیکوسنی بو حبه ایله مستور
ایلدی که نامحرماندن اولان کندیسی طانیوب یلمسون.

دیگری ده بودرکه ارباب محبتک اذواق و مواجیدی، اصحاب معرفتک
اسرار معارف، لسان اشارت ایله مصدر اولدقه عبارده صریحه ایله
مصدر اولدن زیاده مستمعانک نفوسنه تأثیر ایدر. بونک ایچون بو
طاشقندن جوق کیمسه لرک احوالی، آیات قرآنی، کلمات فرقانی
اسماعدن متغیر اولزده زلف و خال خوبانک، غنچ و دلال محبوبانک
وصفی یا، می و میخانه نک، ساغر و پیمانک ذکرینی مشتمل عربی
یا فارسی بزیتی یاخود دهام زیاده بر شمری اسماع ابتدکه همان تغیر
و تحول ایدوب کندیلرینی شور و جذبه بر اقیه.

« رباعیه »

چون فاش نماید آن پری چهره جال عاشق بود از مشوه افکارخ باله
وزمزمه زده نهفته باغنج و دلال بر عاشق بیچاره بکر داند حال
او پری چهره، جالی آجیق کوستردکه عشوه سندن عاشق فارغ
البال بولنیور اگر کزلیجه عشوه و ناز ایله غمزه اوریرسه زوالی
عاشقک احوالی متغیر اولیور.

لامه، معاینک صور لباسنده بیان ایدلنه داز او ایکی لامعه ده
مذکور اولان مصححات، و مرجحات، اوزره شیخ ناظم قدس
سره حضرتتری ده معنای عشق و محبتی، شراب صوری کسوده سنده
کوسترمش و شراب صوری به موضوع الفاظ و عباراندن دخی - مجرد
شرب شراب محبت اولان مواظبت و مداومتی اشعار ایتک ایچونه -
(مدامه) لفظی اختیار بیورمشدر. اوت هانکی مدامه، بوندن ده
افزون اولیلرکه بو شربک بدایتی ازی، نهایت دخی ایدی در.

« رباعیه »

ساقی ازان مهینه جامم درده ازهم مکسل علی الدوام درده
چون درلغت هرب مدام آمدی ای ماه صبح توهم مدام درده
ساقی! بکلا شرابی متوالیا او بیوک قدحدن علی الدوام ویر ای
ماه عجم که مدام که عجب افتنده شرابه مدام دیورل سن ده بکا مدام ویر
ماه...

نفس جائزدر . بنم رأیم بو بایده بوندن عبارتدر . (والسلام علی من التبع الهدی) . [

اوزرینه خزره صاچارق بر کره مرور ایت . بز سنک یادکله شراب صوحی اؤ صباچ ایچدکه هنوز آسمدن و آسمدیکندن بر نشانه موجودیت یوغیدی .

مابعدی وار

کمال الدین خرپوتی

(۳)

مسئله معروضه حقنده مراجعت ابتدیکمز علمای عاملیندن و حالاً مقام ارشاده نشر انوار فیوضات محمدیه ایلان مشایخ عظامدن بر ذات شریفدن مورد جواب نحری سورنیدر .

(طبابت حاضرده آفیونک استعمالی ضروری بولندیغه اطبا طرفندن اصرار ایدلهکی حلاله جهت شرعیسی اجتهاداً حل ایدله بیلور ، چونکه آفیون زمان سعادته غیر مستعمل بولندیغدن بو کی مسائلک قیاساً حل ایجاب ایدر . ادله شرعیه دوت ایسهده اجتهادده قیاسی اصلدر . آفیونک مقیس علیهی حرام لحکمه بولنان ، خر ، انخا ایدلک موافقدر . خمرک مستحضراتی استحلال ایدلشددر : مثلاً « سرکه ،

دیدیکمز شراب بر آرز طوزایله حلاله انقلاب ایدلشددر . بو حلاله آفیونکده مستحضری حلاله انقلاب ایدله بیلور . حالوکه خمرک خماری ایله آفیونک باقیینانی پیننده طباً فرق فی موجود بولنقله آفیونک باقیینانی و خمرک سگری آری آری تأثیر لرله حصوله کلیور دیمکدر . وکل مسکر خمره حدیث شریفنه ماسدق بولنمز . ادله فرقانییه کلنجه حرام بعینه بولنان عمرمانده جناب حق حکم ضروریسی بیلدره رک فلاثم علیه بیوردقندن سوکره « ان الله غفور رحیم » بیوریور . « فلاثم » نفی مطلقدر ، وجوب ایله ایاحه پیننده قید مشترک موجود ایدوکنه بناء لزومی تقدیرنده کالی واجب بولنور . بوکی مساعده الهیه احتیاجه بناء افنی وتفسیر ایدیلر ، فافهم . {

مسئله معروضه حقنده یازیلان بر مکتوبه جواباً علمای عاملین علویت قریندن آخر بر ذات شریف ومقدسک لطفاً تحریر وارسال بیوردقنری جوابنامه محتویات متعلقه سی بالوجه جالب دقت و حائر اهمیت عظیمه بولندیغه بناء انکله بوجه آتی تزیین صحیفه شکران ایلوردر :

{ محرم ایله ندوینک جائز بولنوب بولندیغنی استیضاحنه کسب اطلاع ایلدم . بختده حق اوزرنده بولندیغندن معین حقدر . تحریر ایدیلن احادیث متعلقه کتب احادیثه مروی ، وارد بولنان حدیث شریفلردر . بو حدیث شریفلردن استنباط واستخراج ایدیلان احکامه اعتقاد و احکام ایله عمل دینده واجبدر . بالکمز دلائل شرعیه احکامه دلائله مساوی دکلددر . متواتر بولنان بتون آیتلردن خمرک حرمتی حکمیه دلالت ایدن آیت کی بعضیلری احکامه صریح وقطعی دلالت ایدر ، عرق و آفیونک حرمتلرینه دلالت ایدن خر آتی کی . بعضیلری ده احکامه صریح وقطعی دلالت ایده من بلکه احتمالی ظنی بولنورق دلالت ایدر . حدیثلردن بعضلری دخی متواتر بولنور حکمه یقیناً دلالت ایدر . بعضلری خبر واحد بولنقله حکمه ظن واقفاده ایدر .

آیات واحادیثدن احکام شرعییه سی استنباط ایتمک دلائلرینک درجه قوتی بیلیمکه و احکم شرعی حقنده کی بتون ادلیه کسب وقوف ایلمکه وری دیگرینی ناسخ بولنوب بولندیغنی وتخصیص ایدوب ایتدیکنی اکلامنه و ذکر کی موجب تطویل ده برچوق شرائطه توقف ایدر .

علویات اسلام

ام الفساد ، سم العباد بر مشروب ممنوع :

— خمر —

— مابعد —

(۱۲)

کوربیورزه ضرورنده بولنری استعماله مساخ شرعی وارد ، بالکمز غفلت اولناملی درکه مهموم وغموی ، وهم وحزن و الم کدر کی اضطرابات قلبیه یی ازاله ویا احتیاج شدید وقطعی بوغیکن مداوات بهانه سیله خمر انواعندن هر نوع مسکرائک قلیل و آثیری استعماله قطعاً جواز و مساخ شرعی یوقدر (بالله اعلم بالصواب) [*] .

آفیون و امثالی مسکرات و عمرمانک مالمجانده و امر تداویده شرعاً استمال ایدیلوب ایدله میه چکنه دائر صدوردن و فضلالی علمای اسلامیه دن بر ذات عالییه وقوعه کان استلامزه آلنان جواب مختصر نحری عیناً آتییه درج ایدلشددر :

[(ان الله لما خلقت ... الخ) اثر حکمت تأثیریه علمای سلف اجتهاد ایده کلشلردر . اجتهادک لایتغیر بر حاله کلی ایچون ایکی طیب مسلمک شهادتی شرط قوشمشاردر . ایکی طیب حاذق و مسلم شهادت ایتدکدن مسکره لقمه حرام ایله نفی اولومدن قورنارمق جوازنده اتفاق ایتمشلردر . بو صورتده آفیون و سائر استعمالی ده بوکا قیاس ایدله بیلور ، مادامکه بولنان خسته ایچون بشقه بردوا بولندیغنی ایکی طیب حاذق و مسلم خبر وریورر انکله تدای ایده رک استخلاص

[*] بو بولده رعی العموم محرمات و مسکرائه متعلق احکام شرعیه حقنده ده زیاده معلومات و تفصیلات مکمله آتی ارزو ایدنلره هر نوع احکام جلیله شرعییه یی مفصلاً احتوا ایدلکله اصولیونک (اصول فقه اربابنک) دایما الارنده بولنان کتابلردن لسان مریده دوت جلد اوزرینه محرر و مرتب و مطبوع اصول فقه دن « کشف الاسرار » نام دیگرله « کشف بزدوی » اسمنده کی اثر شریفله مباحث متعلقه سنه و بلخاصه « باب النبی » سر لوحه یی بحث [جلد ۱ صفیه ۲۵۶] ایله شرب مهر و خر ایله تدای مباحثه تعلق قطعی بولنان و رخصت شرعیه احکامی احتوا ایلان « باب المزیمه والرخصه » سر لوحه یی بحثه . [جلد ۲ — صفیه ۶۱۸ و ۲۴۲ و مابعدی] واشبو اثرمنه بالوجه تعلق و مناسبتی بولنان « مضل المسکر » سر لوحه یی بحثه [جلد ۴ — صفیه ۱۴۷۲] و البوم نسخ شریفه سنه نادراً تصادف ایدله کان « تبیین عارم » نامنده کی کتاب جلیله مراجعت بیورملرینی توصیه ایدرز .